

CAPUT I.

1. वगाक्ष्य pro अवगाक्ष्य । De abiectioe litterae अ praepositionum अव et अपि vide Colebrook. Gram. p.123. not. ubi vocibus *One authority* significatur BHÁGURIS grammaticus. Cf. Siddh. Kaum. fol.29.r. l.2.infr. unde medela afferri potest verbis Scholiastae ad Nalod.II,58. vocem वस्थित explicantis.

2. PRITHUE regnante omnes animantium ordines, suum quisque mulctorem et vitulum suamque mulctram eligentes, varia lactis genera e terra mulgebant. Montes scilicet, mulgendi partes MERUI mandantes, et HIMÁLAYAM tanquam vitulum constituentem, gemmas et herbas e terra mulgebant in mulctram saxeam. Fabulam hanc narrari Hari Vansae Cap.6. et Bhágavata Puráni lib.IV. cap.18. video ex annotatione interpretis Angli. (*Journ. As. Soc. Beng. July 1833.*). Addit MALLINÁTHAS: ut vitulus optimam lactis partem accipere solet, ita HIMÁLAYAS etiam praestantiores gemmas et herbas accepit, quam reliqui montes. —

Verbum डुक्ष् mulgere, ex eorum numero est, quae cum gemino accusativo coniungi possunt. Quia enim dici potest et गां दोग्धि vaccam mulget, et दोग्धि पयः mulget lac, iunctis his duabus locutionibus dicitur गां दोग्धि पयः vaccam mulget lac. Duodecim verba, quae eandem constructionem inire possunt, recensentur a BHATTOJI DÍKSHITA (*Siddh. Kaum.* fol.35.r. l.2.infr.), e quibus unum hic afferre iuvat, ut locum aliquem explicemus, quem minus recte interpretatus esse videtur clarissimus Nali editor. Verbum जित् cum accusativo personae significat vincere aliquem e.g. ludo. Cum accusativo vero rei significat rem aliquam tanquam pretium e ludo auferre e.g. NAL.IX,3. Cum gemino denique accusativo, personae et rei, significat: ludendo adimere alicui aliquid, seu eludere aliquem aliquid, ut Plautus loquitur. Iam vides, quid sibi velit locus ille NAL.VII,5: जित्वा राज्यं नलं नृपम् । nempe (ut Plautina illa locutione utar): postquam Nahum regem eluseris imperium. Inde sequitur, ut passivum जीयते vincitur ludo, seu perdit, alterum